



		REPUBLIKA E KOSOVËS REPUBLIKA KOSOVA MINISTRIA E ARSIMIT, SHKENCËS DHE TEKNOLOGJISË	UNIVERSITETI UNIVERZITET "HAXHI ZEKA" PEJË	
REKTORATI				
Nr. / Br. / No. <u>911</u>		Nr. / faq / Br. ntr / No. pg <u>21</u>		
Data / Datum / Date: <u>02.05.2025</u> Pojë / Poë				

UNIVERSITETI - UNIVERSITY - UNIVERZITET
"HAXHI ZEKA"

RREGULLORE
PËR RREGULLAT DHE PROCEDURAT PËR ZGJEDHJET E PËRGJITHSHME TË
PERSONELIT AKADEMIK DHE JO AKADEMIK NË UNIVERSITETIN "HAXHI
ZEKA" NË PEJË

Përmbajtja

Qëllimi dhe fushëveprimi i rregullores.....	3
Dispozitat e përgjithshme	3
Shkurtesat.....	3
Organet për të cilat mbahen zgjedhjet.....	3
Personeli që ka të drejtë të marrë pjesë në zgjedhje.....	4
Mandatet e fituara nga zgjedhjet në UHZ.....	5
Kufizimet në të drejtën e zgjedhjes	5
Rregullat, procedurat zgjedhore dhe përbërja e Këshillave të Fakulteteve	7
Verifikimi i mandateve të anëtarëve të Këshillit të Fakultetit	8
Zgjedhjet për Senat, personelin akademik dhe jo akademik.....	9
Kandidimi për Këshillin e Fakultetit dhe për Senat	10
Zgjedhja e kryesuesit të përkohshëm të Këshillit të Fakultetit dhe përfaqësuesit të përkohshëm-Dekan në Senat	10
Nominimi i kandidatëve për pozitën e Dekanit	11
Listat e votuesve.....	11
Përmbajtja e listës së votuesve	11
Regjistrimi i kandidatëve për Këshill dhe Senat	12
Përmbajtja e listës së kandidatëve	12
Komisioni Qendror Zgjedhor-KQZ	13
Ankesat.....	14
Komisioni Zgjedhor i Fakultetit.....	15
Komisioni Zgjedhor i Administratës Qendrore – KZAQ	15
Data e zgjedhjeve të përgjithshme	16
Mënyra e votimit	16
Mbikëqyrja e procesit zgjedhor	16
Procedurat e votimit dhe fletëvotimet.....	16
Rrjedha e procedurës zgjedhore dhe të votimit	17
Fletëvotimi dhe vlefshmëria	17
Rezultatet e zgjedhjeve dhe hedhja e shortit.....	17
Periudha e ankesave pas shpalljes së rezultateve.....	18
Përfundimi i mandateve	18
DISPOZITAT PËRFUNDIMTARE.....	18
Vlefshmëria dhe zbatimi	18
Shfuqizimi.....	19
Hyrja në fuqi.....	19
SHTOJCA Nr. 1. - FORMULARI PER APLIKIM	20
SHTOJCA NR. 2 - FORMULARI PER ANKESA.....	21

Në mbështetje të nenit 23 të Statutit dhe në pajtim me Ligjin nr.04/L-037 për Arsimin e Lartë të Republikës së Kosovës, Këshilli Drejtues i Universitetit "Haxhi Zeka" në Pejë, në mbledhjen e mbajtur me datë 30.04.2025, miratoi këtë:

**RREGULLORE PËR RREGULLAT DHE PROCEDURAT PËR ZGJEDHJET E PËRGJITHSHME
TË PERSONELIT AKADEMIK DHE JO AKADEMIK NË UNIVERSITETIN E "HAXHI ZEKA"
NË PEJË**

Neni 1

Qëllimi dhe fushëveprimi i rregullores

1. Kjo rregullore ka për qëllim rregullimin e mënyrës së organizimit të zgjedhjeve në Universitetin "Haxhi Zeka" në Pejë si dhe procedurat zgjedhore në kuadër të këtyre zgjedhjeve.
2. Kjo rregullore zbatohet vetëm për zgjedhjet në organet e UHZ-së.

Neni 2

Dispozitat e përgjithshme

1. Të gjitha rregullat dhe procedurat zgjedhore, siç përcaktohen me këtë rregullore, bazohen në Statutin e UHZ-së si dhe legjislacionin në fuqi i cili është relevant përkitazi me çështjet që rregullon kjo rregullore.
2. Secila palë e pakënaqur lidhur me procedurat zgjedhore ka të drejtë ankese kundër vendimeve të nxjerra në kuptim të kësaj rregulloreje.

Neni 3

Shkurtesat

1. Shkurtesat e përdorura në këtë rregullore kanë kuptimin si në vijim:
 - 1.1. UHZ-Universitetit "Haxhi Zeka".
 - 1.2. KQZ/UHZ -Komisioni Qendror i Zgjedhjeve i Universitetit "Haxhi Zeka" Pejë.
 - 1.3. KZF-Komisioni Zgjedhor i Fakultetit.
 - 1.4. KZAQ - Komisioni Zgjedhor i Administratës Qendrore.
 - 1.5. KF-Këshilli i Fakultetit.
 - 1.6. AQ - Administrata Qendrore.

Neni 4

Organet për të cilat mbahen zgjedhjet

1. Zgjedhjet organizohen në të gjitha njësitë akademike për kategoritë si në vijim:

- 1.1. Anëtarët e këshillave të fakulteteve nga radhët e profesorëve;
 - 1.2. Anëtarët e këshillave të fakulteteve nga radhët e asistentëve;
 - 1.3. Anëtarin e këshillave të fakulteteve nga radhët e personelit jo-akademik;
 - 1.4. Anëtarin e Senatit nga radhët e personelit akademik i secilës njësi akademike;
 - 1.5. Anëtarët e Senatit nga radhët e personelit jo - akademik;
2. Zgjedhjet për anëtarë të Senatit nga radhët e personelit jo-akademik do të mbahen edhe në Administratën Qendrore të UHZ-së.
 3. Kjo rregullore përcakton edhe procedurën e nominimit dhe zgjedhjes së dekanit të njësive akademike.

Neni 5

Personeli që ka të drejtë të marrë pjesë në zgjedhje

1. Në zgjedhjet të cilat zhvillohen në UHZ, në kategoritë e përcaktuara në nenin 3 të kësaj rregulloreje ka të drejtë të kandidojë i gjithë personeli i zgjedhur i UHZ-së, në marrëdhënie të rregullt të punës. Personeli akademik, në kuptim të këtij paragrafi përfshin kategoritë e përcaktuara në Statut, si në vijim:
 - 1.1. Profesor i rregullt;
 - 1.2. Profesor i asocuar;
 - 1.3. Profesor asistent;
 - 1.4. Asistent universiteti;
 - 1.5. Lektor dhe
 - 1.6. Korepetitor (Fakulteti i Arteve)
2. Personel akademik, konsiderohen të gjithë ata/ato të cilët kanë fituar thirrjen përkatëse shkencore dhe akademike nga Senati i UHZ-së, duke pasur parasysh ditën e nxjerrjes së vendimit përfundimtar nga Senati.
3. Përfshirë nga paragrafi 2 i këtij neni bëhet për personelin e zgjedhur për herë të parë në UHZ, dhe që nuk mund të pajisen me kontratë të rregullt pune deri në datë të caktuar (data e fillimit të semestrit dimëror ose veror). Kjo kategori e personelit që pritet të themelojë marrëdhënie të rregullt pune në datën e përcaktuar siç parashihet në këtë paragraf, nuk kanë të drejtë të kandidohen, të zgjedhen dhe as të votojnë në zgjedhjet të cilat mbahen sipas kësaj rregulloreje.
4. Kriteret e njëjta të parapara në paragrafin 3 të këtij neni, zbatohen edhe ndaj personelit administrativ i cili deri në momentin e regjistrimit për pjesëmarrje në zgjedhje nuk është i pajisur me kontratë për themelimin e marrëdhënies së rregullt të punës në UHZ.

Neni 6

Mandatet e fituara nga zgjedhjet në UHZ

1. Të gjithë ata të cilët fitojnë mandat dhe përfaqësohen në organet përkatëse brenda UHZ-së, nga zgjedhjet e mbajtura sipas kësaj rregulloreje, e mbajnë mandatin e tyre bazuar në Statutin e UHZ-së, dhe këtë rregullore.
2. Në rast të dorëheqjes, ndërprerjes së kontratës/humbjes së statusit të personelit akademik, administrative, pensionimit, vdekjes, marrjes së mandatit apo humbja e mandatit për shkak të ndonjë arsyeje tjetër, mandati do t'i takojë personit të parë në listën e pritjes sipas regjistrit të rezultatit të zgjedhjeve. Ky paragraf vlen vetëm për anëtarët e Këshillave të Fakulteteve.
3. Në rastet kur nuk ka personel shkencor - akademik në listen e pritjes, për shkak se në rastin e mbajtjes së zgjedhjeve, numri i personelit akademik nuk është plotësuar (15 profesor respektivisht 2 asistent) dhe ndërkohë numri i personelit akademik pas mbajtjes së zgjedhjeve është shtuar (jo më pak se 5 personel i ri akademik profesor ose asistent) mbahen zgjedhjet për Këshill të Fakultetit, vetëm për pjesën e personelit akademik i cili është zgjedhur/emëruar pas mbajtjes së zgjedhjeve, me kusht që koha e ushtrimit të mandatit të tyre të jetë së paku 2 vite, brenda mandatit 4 vjeçar.
4. Një anëtar i personelit akademik, i cili në zgjedhjet e mbajtura për anëtar të këshillit të fakultetit është zgjedhur apo është në listën e pritjes, me rastin e zgjedhjes apo emërimit në pozitën e anëtarit të Këshillit Drejtues, rektorit, prorektorit apo anëtarit /es së Senatit, në mënyrë automatike e humb të drejtën për të ruajtur mandatin e anëtarit të Këshillit të Fakultetit, pavarësisht nëse mandatin nga njëra prej pozitave si më sipër e përfundon para kohe.
5. Plotësimi i mandatit të mbetur vakant, si rezultat i përmbushjes së njerës prej arsyeve të cekura në paragrafin 3 të këtij neni, duhet të plotësohet më së largu 10 ditë pas mbetjes vakante të pozitës.
6. Në rast se nuk ka persona në dispozicion nga rezultatet e zgjedhjeve si në paragrafin 2 të këtij nenin, fakulteti përkatës përkatësisht administrate qendrore, do t'i mbajnë zgjedhjet për plotësimin e mandateve vakante sipas procedurave të njëjta të përcaktuara në këtë rregullore, me së largu 10 dite pas mbetjes vakante të pozitës. Zgjedhjet në këtë rast administrohen nga KZF, KZAQ dhe KQZ/UHZ.

Neni 7

Kufizimet në të drejtën e zgjedhjes

1. Personeli akademik dhe joakademik në marrëdhënie të rregullt pune, i cili është i zgjedhur apo emëruar me kohë të plotë (primare) në ndonjë institucion tjetër publik, apo me vendim të organeve të UHZ-së, i ka të pezulluara të drejtat dhe detyrimet, ose që arrijnë moshën e pensionimit në vitin kur mbahen zgjedhjet, nuk ka të drejtë për t'u zgjedhur në organe drejtuese, por ka të drejtë për të votuar për kategoritë e përcaktuara në këtë rregullore.

2. Personeli akademik i zgjedhur apo emëruar në një funksion tjetër publik në marrëdhënie të rregullt punë, në kuptim të paragrafit 1 të këtij neni, nënkupton zgjedhjen apo emërimin si në vijim: President i Republikës së Kosovës; Deputet në Kuvendin e Kosovës; Anëtarë i Qeverisë së Republikës së Kosovës; Anëtar i Gjykatës Kushtetuese të Republikës së Kosovës; Funkionarët e emëruar nga Kuvendi, Presidenti i Republikës dhe titullarët apo anëtarët e organeve drejtuese kolegjiale të institucioneve të pavarura dhe të agjencive të pavarura; Funkionarët e emëruar nga Presidenti; Anëtarët e Këshillit Prokurorial të Kosovës apo funksionet e tjera në sistemin e drejtësisë; Sekretarët e Përgjithshëm në Ministri; Kryeshefat e Agjencive të Pavarura.
3. Përjashtim nga kategoria e përcaktuar në paragrafin 2 të këtij neni, bëjnë i gjithë personeli akademik të cilët ofrojnë këshilla për institucione publike, si këshilltar, konsulent apo janë anëtarë të komisioneve profesionale dhe grupeve të ndryshme të ekspertëve.
4. Personeli akademik dhe joakademik mund të kandidojë për tu zgjedhur, por nuk mund të ushtroj njëkohësisht mandatin e anëtarit të këshillit të fakultetit dhe të anëtarit të Senatit. Anëtar i këshillit të fakultetit nga radhët e personelit akademik dhe jo-akademik që zgjidhet anëtar i Senatit duhet të heq dorë nga antarësia në këshillin e fakultetit në momentin e zgjedhjes.
5. Anëtarët e Senatit të UHZ-së nuk kanë të drejtë të zgjedhën për më shumë se dy (2) mandate të njëpasnjëshme. Në kuadër të llogaritjes së dy (2) mandateve nuk hyn antarësia sipas detyres zyrtare si dekan.
6. Me qëllim të shmangies së konfliktit eventual të interesit, të drejtë për tu zgjedhur në organet drejtuese të UHZ-së, sipas këtij neni nuk kanë të gjithë ata që përfaqësojnë dhe mbrojnë UHZ-në në organet administrative dhe gjyqësore, në të cilat organe vendimet e UHZ-së mund të kontestohen nga palët e pakënaqura.
7. Organe drejtuese në kuptim të paragrafit 1 të këtij neni përfshijnë përfaqësimin në organet si në vijim: anëtare/e i Këshillit Drejtues, Rektor, Dekan.
8. Për pozitat rektor dhe prorektor nuk mund të zgjedhen anëtarët e Këshillit Drejtues të UHZ, pa kaluar afati prej 2 viteve nga momenti i përfundimit të mandatit të anëtarit të Këshillit Drejtues të UHZ, për shkak të parandalimit të konfliktit të interesit. Anëtarët e Këshillit Drejtues kanë të drejtë të zgjedhen anëtar/e të Senatit, Dekan, Prodekan, dhe anëtarë të Këshillit të Fakultetit me kusht që të japin dorëheqje paraprakisht nga pozita.
9. Për pozitën e rektorit, prorektorit, dekanit, prodekanit, nuk mund të zgjedhen kandidatët të cilët kanë ushtruar këtë detyrë për dy (2) mandate katër (4) vjeçare.
10. Për pozitën e anëtar i Këshillit Drejtues, rektor, prorektor, dekan, prodekan, anëtar i senatit, nuk mund të zgjedhën kandidatët të cilët pengohen që ta ushtrojnë së paku gjysmën e mandatit të plotë për shkak të plotësimit të moshës mandatore të pensionit. Gjysma e mandatit llogaritet nga data e fillimit të mandatit me 1 tetor të vitit përkatës kur e fillon mandatin.

11. Në rastet e kontestueshme, në lidhje me të drejtën për të votuar ose të drejtën për kandidim, vendimi i shkallës së parë merret nga KZF dhe KZAQ, me rastin e verifikimit të kandidaturave, kurse vendimi i shkallës së parë mund të ankimohet në KQZ-UHZ.
12. Lidhur me ankesën e ushtruar sipas kësaj rregulloreje, KQZ/UHZ, nxjerr vendim përfundimtar në procedurë administrative dhe duhet ta arsyetoj sic parashihet me dispozitat përkatëse të Ligjit për Procedurën e Përgjithshme Administrative. Vendimi i KQZ-së është përfundimtar.
13. Nuk kanë të drejtë të zgjedhen në pozitat: rektor, prorektor, anëtar/e e Senatit, anëtar/e e këshillit të fakultetit, dekan dhe prodekan, të gjithë ata/ato që janë të dënuar për kryerjen e veprës penale me vendim gjyqësor të formës së prerë dhe që kanë të shqiptuar masë disiplinore nga organet kompetente të universitetit, në tre (3) vjetët e fundit, përfshirë masat e shqiptuara nga Këshilli i Etikës për personelin akademik. Nuk kanë të drejtë të zgjedhen në pozitat rektor, prorektor, dekan dhe prodekan, të gjithë ata/ato të cilëve i është shqiptuar masa e shkarkimit nga pozita që kanë ushtruar, në tre (3) vitet e fundit.
14. Stafi akademik ka të drejtë të marrë pjesë në aktivitete politike dhe të shprehë bindjet partiake vetëm jashtë orarit zyrtar të punës dhe jashtë ambienteve të Universitetit. Ndërsa, stafi akademik që mbajnë pozita menaxhuese dhe udhëheqëse (shëf departmenti, prodekan, dekan, prorektor, rektor, anëtarë i Këshillit Drejtues) nuk mund të marrin pjesë në aktivitete politike dhe as të shprehin publikisht bindjet e tyre politike. Aspektet tjera të të drejtave politike (e drejta për të qenë anëtar i partive politike dhe e drejta për tu zgjedhur) rregullohen nga Ligji për Zyrtarët Publik.

Neni 8

Rregullat, procedurat zgjedhore dhe përbërja e Këshillave të Fakulteteve

1. Çdo fakultet ka këshillin. Anëtarët e këshillit janë:
 - 1.1. Dekani;
 - 1.2. Prodekanët;
 - 1.3. Sekretari i Fakultetit, pa të drejtë vote;
 - 1.4. Deri në 15 anëtarë të zgjedhur nga radhët e profesorëve të fakultetit;
 - 1.5. Deri në 2 anëtarë të zgjedhur nga radha e asistentëve të fakultetit;
 - 1.6. Një anëtar i zgjedhur nga personeli jo akademik i fakultetit;
 - 1.7. Një përfaqësues të studentëve të zgjedhur nga Këshilli i Studentëve të Fakultetit.
2. Anëtarë të Këshillit të Fakultetit zgjedhën deri 15 profesorë të cilët kanë thirrjen akademike profesor i rregullt, profesor i asocuar, profesor asistent, me kusht që thirrjen akademike ta kenë fituar nga Senati i UHZ-së, para shpalljes së zgjedhjeve sipas kësaj rregulloreje.
3. Në fakultetet ku numri i përgjithshëm i profesorëve, siç përcaktohet në paragrafin 2 të këtij neni nuk e kalon numrin 15, të gjithë profesorët të cilët regjistrohen për të fituar mandatin në Këshillin e fakultetit, mandatohen automatikisht si anëtarë të Këshillit të fakultetit.

4. Anëtarët e këshillit të fakultetit nga radhët e profesorëve dhe asistentëve zgjedhën nga personelit akademik i fakultetit (profesor dhe asistent) siç përcaktohet në këtë rregullore.
5. Numri i asistentëve të zgjedhur në këshillin e fakultetit është më së shumti 2 (dy) anëtarë.
6. Në fakultetet ku numri i përgjithshëm i asistentëve, siç përcaktohet në paragrafin 5 të këtij neni, nuk e kalon numrin dy (2), të gjithë asistentët që regjistrohen për të fituar mandatin si anëtar të këshillit të fakultetit, mandatohen automatikisht anëtar të këtij këshilli.
7. Në rast se anëtari i këshillit të fakultetit e ka fituar mandatin e tij/saj si asistent dhe ndërkohë është avancuar, respektivisht është zgjedhur në pozitën profesor asistent, i/e njejt/a vazhdon të mbaj mandatin e tij/saj mbi bazën, me të cilën e ka fituar.
8. Pavarësisht dispozitave të tjera të kësaj rregulloreje, anëtari i këshillit të fakultetit, i cili fiton mandatin si anëtar i këtij organi dhe ndërkohë emërohet dekan ose prodekan i fakultetit përkatës, mandati i fituar i tij/saj nuk zëvendësohet sipas listës së pritjes. Ky kufizim nuk vlen në rast të zgjedhjes së tij si rektor, prorektor ose anëtar i Këshillit Drejtues. Në rast se ndërprerjes së mandatit mund të kthehet si anëtar i këshillit të fakultetit.
9. Për zgjedhjen e anëtarëve të Këshillit të Fakultetit nga radhët e profesorëve (profesor i rregullt, profesor i asocuar dhe profesor asistent), të drejtë vote kanë të gjithë profesorët që janë në marrëdhënie të rregullt pune në fakultet, sipas kësaj rregulloreje.
10. Për zgjedhjen e anëtarëve të Këshillit të Fakultetit nga radhët e asistentëve, të drejtë vote kanë të gjithë asistentët që janë në marrëdhënie të rregullt pune në fakultet, sipas kësaj rregulloreje.
11. Për zgjedhjen e anëtarit të Këshillit të Fakultetit nga radhët e personelit jo akademik, të drejtë vote kanë i tërë personeli jo akademik në marrëdhënie të rregullt pune në fakultet.
12. Një përfaqësues nga radha e studentëve në Këshillin e Fakultetit, zgjedhet sipas propozimit të Këshillit të Studentëve të Fakultetit në pajtim me dispozitat e Rregullores mbi zgjedhjet e studentëve dhe Punën e Parlamentit dhe Këshillave të Studentëve.
13. Sekretari i Fakultetit është anëtar i Këshillit të Fakultetit sipas detyrës zyrtare, pa të drejtë vote dhe është përgjegjës për ligjshmërinë e punës së Këshillit të Fakultetit.

Neni 9

Verifikimi i mandateve të anëtarëve të Këshillit të Fakultetit

1. Këshilli i Fakultetit në mbledhjen e parë të tij, bënë verifikimin e mandateve të anëtarëve të këshillit të fakultetit në bazë të raportit të sekretarit të fakultetit, për rregullsinë e zgjedhjes së anëtarëve të Këshillit të Fakultetit, me propozim për miratimin e mandatit.
2. Votimi për raportin sipas paragrafit 1 të këtij neni bëhet në tërësi nëse nuk është kontestuar asnjë mandat. Në rast se ndonjë mandat kontestohet, së

pari votohet për të gjitha mandatet e pakontestueshme, e pastaj ndaras votohet për çdo mandat që kontestohet.

3. Pas verifikimit të mandatit, anëtarët e Këshillit të Fakultetit e nënshkruajnë deklaratën etike si vijon: *"Deklaroj se do t'i kryej detyrat me nder dhe me besnikëri, me drejtësi dhe pa anim, me ndërgjegje dhe përgjegjësi, se do t'i përfaqësoj me ndërgjegje dhe përkushtim interesat e Fakultetit dhe të Universitetit në përgjithësi, si dhe do t'i përmbahem Statutit të Universitetit dhe legjislacionit të aplikueshëm në Republikën e Kosovës"*.
4. Në rast të paknaqësisë përkitazi me verifikimin e mandateve për anëtar të këshillit të fakultetit, kandidati/ja që i kontestohet mandati ka të drejtë ankese në KQZ/UHZ, sipas dispozitave të kësaj rregulloreje.

Neni 10

Zgjedhjet për Senat, personelin akademik dhe jo akademik

1. Një anëtar i personelit akademik nga secili Fakultet zgjedhet anëtar i Senatit.
2. Përfaqësuesi i fakultetit në Senat do të zgjedhet nga personeli akademik i secilit Fakultet siç përcaktohet në Statut.
3. Përfaqësuesi i fakultetit në Senatin e UHZ-së, zgjedhet me shumicën e v
4. otave të të gjithë personelit akademik që marrin pjesë në votim.
5. Për zgjedhjen e përfaqësuesit të Fakultetit në Senat, të drejtë vote ka i tërë personeli akademik në marrëdhënie të rregullt pune në fakultet, në pajtim me dispozitat e kësaj rregulloreje.
6. Një përfaqësues i stafit jo akademik në Senat zgjedhet me shumicën e votave të të gjithë atyre që marrin pjesë në votim, nga radhët e personelit jo akademik në marrëdhënie të rregullt pune në të gjitha njësitë akademike dhe në administratën qendrore të UHZ-së.
7. Për zgjedhjen e përfaqësuesve të stafit jo akademik, të drejtë vote ka i gjithë personeli jo akademik në marrëdhënie të rregullt pune në UHZ-së.
8. Nëse asnjë nga kandidatët për Senat nga personeli akademik dhe jo akademik nuk e marrin shumicën e votave të personelit akademik, respektivisht jo- akademik që marrin pjesë në votim, atëherë organizohet raundi i dytë i votimit për dy kandidatët për personelin akademik, respektivisht katër kandidatë për personelin jo akademik, të cilët kanë më së shumti vota në raundin e parë. Konsiderohet i zgjedhur kandidati/ja që fiton shumicën e votave në raundin e dytë, përkatësisht një kandidatët që fitojnë më së shumti vota në këtë raund nga radhët e personelit jo akademik.
9. Raundi i dytë për zgjedhjen e anëtarëve të Senatit nga personeli akademik dhe jo akademik mbahet më së largu dy (2) ditë pune nga dita e përfundimit të raundit të parë.
10. Në rast se ka dy ose më shumë kandidatë me vota të barabarta në raundin e dytë, përzgjedhja e kandidatëve bëhet në praninë e kandidatëve, përmes hedhjes së shortit. Shorti hidhet nga KQZ/UHZ.
11. Votimi për anëtar të Senatit nga personeli akademik dhe jo akademik bëhet në atë mënyrë që të gjithë kandidatët renditen në fletëvotim, në bazë të

alfabetit. Të gjithë ata që marrin pjesë në votim, kanë të drejtë të votojnë vetëm një kandidat për anëtar të Senatit, respektivisht një kandidatë nga radhët e personelit jo akademik.

12. Sekretari i përgjithshëm i universitetit është anëtar ex-officio i Senatit pa të drejtë vote dhe është përgjegjës për ligjshmërinë e punës së Senatit.
13. Në rast të dorëheqjes, ndërprerjes së kontratës, pensionimit, vdekjes, apo në çfarëdo rasti të mbetjes vakante të mandatit të përfaqësuesit të fakultetit në Senat nga radhët e personelit akademik apo jo akademik, njësia akademike përkatëse, përkatësisht njësitë akademike dhe administrata qendrore e UHZ-së (në rastin e përfaqësuesit në Senat të personelit jo-akademik) mbajnë zgjedhjet për zgjedhjen e anëtarit të ri të Senatit, sipas procedurave të njëjta të përcaktuara në këtë rregullore, më së largu 10 ditë pas mbetjes vakante të pozitës. Zgjedhjet administrohen nga KZF, KZAQ dhe KQZ-UHZ.

Neni 11

Kandidimi për Këshillin e Fakultetit dhe për Senat

1. Anëtar i personelit akademik dhe jo akademik, ka të drejtë të regjistrohet si kandidat për mandatin e caktuar sipas dispozitave të kësaj rregulloreje dhe Statutit.
2. Anëtarët e KQZ/UHZ-së dhe KZF-së, mund të kandidojnë në zgjedhjet e përgjithshme të UHZ-së, vetëm në nivel të Këshillit të Fakultetit, por jo edhe në pozita menaxhuese dhe qeverisëse të Universitetit (Dekan, Senator apo Rektor), pa dhënë dorëheqjen paraprakisht.
3. Anëtarët e KZAQ mund të zgjedhin, por nuk mund të kandidojnë në zgjedhjet e personelit joakademik në nivel të përfaqësimit në Senatin e UHZ-së pa dhënë dorëheqje paraprakisht.
4. Anëtarët e dorëhequr për arsyet si në paragrafin 2 dhe 3 zëvendësohen pa vonesë dhe sipas procedurës së njëjtë si të emërimit.
5. Të gjithë kandidatët e interesuar kanë të drejtë të regjistrohen për të fituar më shumë se një mandat, sipas kësaj rregulloreje.
6. Në qoftë se një anëtar i personelit zgjedhet në më shumë se një organ në UHZ-së, kandidati para se të filloj ushtrimin e mandatit, përcaktohet se në cilin organ do ta ushtrojë mandatin e tij/saj, në pajtim me dispozitat e kësaj rregulloreje.

Neni 12

Zgjedhja e kryesuesit të përkohshëm të Këshillit të Fakultetit dhe përfaqësuesit të përkohshëm-Dekan në Senat

1. Kryesuesi i përkohshëm i Këshillit të Fakultetit zgjedhet nga kandidatët e propozuar të Këshillit të Fakultetit, me shumicën e votave të numrit të përgjithshëm të anëtarëve të Këshillit të Fakultetit, në mbledhjen e parë të verifikimit të mandateve të anëtarëve të Këshillit të Fakultetit.
2. Nëse asnjë nga kandidatët e propozuar për kryesues të përkohshëm të KF, nuk e merr shumicën e votave të numrit të përgjithshëm të anëtarëve,

atëherë organizohet raundi i dytë i votimit, vetëm për kandidatin me numër më të madh të votave. Nëse kandidati nuk merr shumicën e votave të numrit të përgjithshëm të anëtarëve, në radhën e dytë, konsiderohet se kandidati është refuzuar dhe KF është i obliguar të propozoj kandidat tjetër.

3. Në rast të votave të barabarta mes kandidatëve të propozuar, votimi përsëritet.
4. Kryesuesi i përkohshëm i KF, është edhe përfaqësues i dekanit të Fakultetit në Senat deri në zgjedhjen e dekanit.
5. Votimi bëhet në atë mënyrë që të gjithë kandidatët vendosen në një fletëvotim sipas alfabetit dhe të gjithë ata që marrin pjesë në votim, kanë të drejtë të votojnë vetëm për një kandidat.

Neni 13

Nominimi i kandidatëve për pozitën e Dekanit

1. Çdo anëtar i Këshillit të Fakultetit ka të drejtë të propozojë një kandidat/e për pozitën e Dekanit. Propozimi i kandidatit/es për pozitën e dekanit bëhet në fillim të mbledhjes së thirrur për zgjedhjen e dekanit.
2. Propozimet për kandidatët për Dekan duhet të jenë të arsyetuara mirë dhe të përfshijnë edhe një biografi të shkurtë të kandidatit/es.
3. Të gjithë kandidatët e propozuar për Dekan përfshihen në fletëvotim dhe radhiten sipas alfabetit me emër dhe mbiemër.
4. Anëtari i Këshillit të Fakultetit ka të drejtë të votojë në fletëvotim vetëm një (1) kandidat për pozitën e Dekanit, përmes votimit të fshehtë. Dy (2) kandidatët të cilët marrin më së shumti vota të të gjithë anëtarëve të Këshillit, i propozohen Senatit për miratim.
5. Në rast se propozohet vetëm një kandidat nga Këshilli i Fakultetit dhe i merr votat e nevojshme sipas Statutit të UHZ-së, i njejti i propozohet Senatit për miratim.

Neni 14

Listat e votuesve

1. Zyrat administrative të fakulteteve dhe Administrata Qendrore e UHZ-së, kanë për detyrë t'i ofrojnë Komisionit Qendror Zgjedhor /UHZ të dhënat e kompletuara të personelit me të drejtë vote, duke pasur parasysh kufizimet në këtë rregullore.
2. Në rast të vonesës ose refuzimit për të dorëzuar të dhënat nga ndonjë Fakultet apo Administrata Qendrore e UHZ-së, ndaj personave përgjegjës do të iniciohet procedura disiplinore nga ana e Këshillit Drejtues të UHZ-së, pas njohimit nga ana e Komisionit Qendror Zgjedhor/ UHZ.

Neni 15

Përmbajtja e listës së votuesve

1. Lista e personelit akademik dhe jo akademik me të drejtë vote për Fakultet do të përgatitet nga Komisioni Zgjedhor i fakultetit perkates.

2. Lista e personelit të administratës qendrore me të drejtë vote do të përgatitet nga KZAQ.
3. Listat e personelit me të drejtë vote, do të përfshijnë të dhënat në vijim:
 - 3.1. Për personelin akademik:
 - 3.1.1. Numri rendor;
 - 3.1.2. Emri dhe mbiemri;
 - 3.1.3. Data muaji dhe viti i lindjes;
 - 3.1.4. Thirrja akademike;
 - 3.1.5. Fakulteti.
 - 3.2. Për personelin jo - akademik:
 - 3.2.1. Numri rendor;
 - 3.2.2. Emri dhe mbiemri;
 - 3.2.3. Data, muaji dhe viti i lindjes;
 - 3.2.4. Pozita;
 - 3.2.5. Fakulteti /Administrata Qendrore.

Neni 16

Regjistrimi i kandidatëve për Këshill dhe Senat

1. Çdo anëtarë i personelit akademik apo jo akademik ka të drejtë të kandidohet për anëtar të Këshillit të Fakultetit dhe anëtar të Senatit, përveç kufizimeve të përcaktuara në këtë rregullore dhe kufizimet tjera të përcaktuara me Statut.
2. Procedurat e regjistrimit përgatiten për secilin Fakultet.
3. Regjistrimi i kandidatëve bëhet në ditën e përcaktuar nga KQZ/UHZ, prej orës 08:00-14:00.
4. Dita e regjistrimit duhet të jetë së paku 3 ditë para ditës së zgjedhjeve.
5. Personeli akademik dhe jo akademik që për arsye të caktuara e kanë të pamundur pjesëmarrjen fizike për regjistrim të kandidaturës, regjistrimin e kandidatures duhet ta bejne ne formen elektronike sipas formularit përkatës për regjistrim sipas shtojcen 1 të kësaj rregulloreje. Formulari për regjistrim dhe listat e kandidateve të miratuara nga KZF dhe KZAQ, i dërgohen KQZ/UHZ, jo me larg se një ditë, pas mbylljes së afatit të regjistrimit.
6. Një formular përkatës për regjistrim, sipas shtojcës 1 të kësaj rregulloreje, do të jetë në dispozicion në Dekanat dhe në web faqen zyrtare të UHZ-së. Pas plotësimit, formulari dorëzohet në e-mailin e sekretarit të fakultetit përkatës përkatësisht kryesuesit të KZAQ (për personelin e Administratës Qendrore).

Neni 17

Përmbajtja e listës së kandidatëve

1. Lista e kandidatëve të Fakultetit për anëtarë të Këshillit të Fakultetit dhe anëtarë të Senatit do të përgatitet nga komisioni zgjedhor i fakultetit përkatës.

2. KQZ/UHZ është i obliguar të kontrollojë çdo regjistrim të kandidaturës për sa i përket vlefshmërisë, duke iu referuar listës së votuesve dhe dispozitave të këtyre rregullave dhe procedurave të përcaktuara në këtë rregullore.
3. Lista e kandidaturave të Administratës Qendrore për Senat do të përgatitet nga KZAQ.
4. Listat zyrtare të kandidatëve do të verifikohen dhe miratohen nga Komisioni Qendror Zgjedhor për secilin Fakultet dhe administratën qendrore, duke përfshirë të dhënat në vijim:

4.1. Për personelin akademik:

- 4.1.1. Numri rendor;
- 4.1.2. Emrin dhe mbiemrin;
- 4.1.3. Data, muaji dhe viti i lindjes;
- 4.1.4. Numri personal;
- 4.1.5. Thirrja akademike;
- 4.1.6. Fakulteti.

4.2. Për personelin jo-akademik:

- 4.2.1. Numri rendor
- 4.2.2. Emri dhe mbiemri;
- 4.2.3. Data, muaji dhe viti i lindjes;
- 4.2.4. Numri personal;
- 4.2.5. Pozita;
- 4.2.6. Fakulteti/ Administrata qendrore.

5. Lista zyrtare e personelit që kandidohen, së paku një (1) ditë para zgjedhjeve do të publikohet nga KQZ/UHZ në web faqen e UHZ-së.

Neni 18

Komisioni Qendror Zgjedhor-KQZ

1. Komisioni Qendror Zgjedhor do të përmbushë obligimet e veta, sipas Ligjit nr. 04/L- 037 për Arsimin e Lartë, Statutit të Universitetit "Haxhi Zeka" dhe rregulloreve në fuqi.
2. Komisioni Qendror Zgjedhor emërohet nga Këshilli Drejtues, me rastin e shpalljes së zgjedhjeve të përgjithshme për personelin akademik dhe joakademik.
3. KQZ/UHZ është përgjegjës për organizimin dhe mbikëqyrjen e zgjedhjeve të përgjithshme të UHZ-së.
4. KQZ, përbëhet nga dy (2) profesor në marrëdhënie të rregullt pune dhe Sekretari i Përgjithshëm i UHZ-së. Kryesuesi i KQZ-së, duhet të jetë nga fusha e drejtësisë, anetari tjetër nga radhet e profesoreve, i cili me automatizem është zëvendëskryesues kurse Sekretari i Përgjithshëm i UHZ-së, është sekretar

- i KQZ/UHZ. Në cilësinë e vëzhguesit, pjesë e KQZ-së është edhe një person nga KQZ e Republikës së Kosovës.
5. KQZ/UHZ zgjidhet me rastin e shpalljes së zgjedhjeve të përgjithshme dhe ka mandat katër (4) vjetar të funksionimit.
 6. Anëtarë të KQZ/UHZ-së, nuk mund të jenë: Rektori, Prorektorët, Dekanët, Prodekanët, Anëtarët e Senatit, Anëtarët e Këshillit Drejtues.
 7. Përgjegjësitë e KQZ/UHZ-së janë:
 - 7.1. përcaktimi dhe zbatimi i dinamikës së zgjedhjeve;
 - 7.2. përgatitja e listave për zgjedhje;
 - 7.3. nxjerrja e vendimeve rreth kundërshtimeve kundër listës së zgjedhjeve;
 - 7.4. certifikimi i kandidaturave në zgjedhje;
 - 7.5. konstatimi i numrit të përgjithshëm të mandateve;
 - 7.6. vlerësimi i listës së kandidatëve;
 - 7.7. kryesimi i procedurave zgjedhore;
 - 7.8. identifikimi i listave përfundimtare të atyre që kanë të drejtë vote;
 - 7.9. konstatimi i rezultateve të zgjedhjeve;
 - 7.10. shpallja e rezultateve të zgjedhjeve;
 - 7.11. certifikimi i mandateve;
 - 7.12. zëvendësimi i mandatit;
 - 7.13. koordinimi i komisioneve zgjedhore të Fakulteteve për konstituimin e Këshillave të Fakulteteve.
 - 7.14. Administrimin e zgjedhjeve në nivel të UHZ-së;
 - 7.15. Anulimin e procesit zgjedhor në rast të vërtetimit për parregullsi, sipas provave të dorëzuara;
 - 7.16. Administrimi i konstituimit KF, Senatit, organeve tjera, sipas dinamikës zgjedhore;
 - 7.17. Administrimi i periudhës paszgjedhore, përfshirë edhe zëvendësimin e mandateve pas themelimit të organeve;
 - 7.18. Administrimin e procesit zgjedhor në rast të zgjedhjeve, pas themelimit të organeve, sipas kësaj rregulloreje;
 - 7.19. Kryerjen e detyrave të tjera ndërlidhur me procesin zgjedhor sipas kësaj rregulloreje;
 - 7.20. Kryerjen e detyrave tjera që kanë të bëjnë me procesin zgjedhor, bazuar në dinamikën zgjedhore të miratuar.
 8. Për të gjitha rastet kur mandati në organet e UHZ-së, për personat e zgjedhur sipas kësaj rregulloreje përfundon para kohe, përbërja e njëjtë e KQZ/UHZ-së, KZF-së dhe KZAQ, janë kompetente për zbatimin e procedurave përkitazi me zëvendësimin e mandatit respektiv.

Neni 19

Ankesat

1. Anëtari i personelit ka të drejtë të ankohet kundër vendimeve të KZF dhe KZAQ, sipas procedurave të përcaktuara në këtë rregullore.

2. Vendimi lidhur me ankesën sipas paragrafit 1 të këtij neni duhet të merret brenda dy ditëve të punës pas pranimit të ankesës. Vendimi në shkallën e dytë nxjerrët nga KQZ/UHZ dhe është përfundimtar në procedurë administrative.
3. Anëtari i personelit me të drejtë vote për zgjedhjen e organeve përkatëse, ka të drejtë të parashtroj ankesë te KQZ/UHZ, në lidhje me procedurat e zgjedhjeve.
4. Formulari përkatës, shtojca 2 do të jetë në dispozicion në secilin vendvotim në Fakultete, vendvotimin për AQ dhe në web faqen e UHZ-së.

Neni 20

Komisioni Zgjedhor i Fakultetit

1. Komisioni Zgjedhor i Fakultetit përbëhet nga tre anëtarë:
 - 1.1. Sekretari i Fakultetit, kryesues i komisionit zgjedhor ex officio;
 - 1.2. Dy profesor të fakultetit, të nominuar nga Këshilli i Fakultetit;
2. Zgjedhja e anëtarëve të KZF-së, bëhet me shumicë të votave të numrit të përgjithshëm të anëtarëve të Këshillit të Fakultetit.
3. Nëse asnjë kandidat pas votimit të parë nuk ka marrë shumicën e votave, sipas paragrafit 2 të këtij neni, në votimin e dytë garojnë katër kandidatët që kanë marrë më së shumti vota dhe zgjedhën dy kandidatët me numrin më të madh të votave të fituara nga votimi i dytë për secilën prej pozitave të parapara në paragrafin 1, nën paragrafi 1.2 të këtij neni.
4. Procesverbalet e komisionit të zgjedhjeve hartohen dhe nënshkruhen nga kryesuesi dhe anëtarët e KZF-së.
5. Mbledhjet e komisionit zgjedhor të Fakultetit thirren nga kryesuesi i KZF dhe mund të mbahen në menyre fizike dhe përmes platformes online.
6. KZF-të, zgjidhen me rastin e shpalljes së zgjedhjeve të përgjithshme dhe kanë mandat katër (4) vjeçar tëfunksionimit.

Neni 21

Komisioni Zgjedhor i Administrates Qendrore – KZAQ

1. Komisioni Zgjedhor i Administrates Zgjedhore përbëhet nga tre anëtarë:
 - 1.1. Dy drejtor të zyrave në AQ;
 - 1.2. Një nënpunës i AQ me përgatitje profesionale nga fusha e drejtësisë.
2. Kryesuesi dhe zv. kryesuesi vijnë nga të emëruarit nga rradhët e drejtorëve, ndërsa nënpunësi i AQ kryen shërbimet e sekretarisë, administrates dhe shërbimet tjera juridike.
3. Zgjedhja e anëtarëve të KZAQ bëhet nga Këshilli Drejtues.
4. Procesverbalet e KZAQ hartohen dhe nënshkruhen nga kryesuesi dhe anëtarët e KZAQ.
5. Mbledhjet e komisionit thirren nga kryesuesi i KZAQ. Mbledhjet mund të mbahen me prezence fizike dhe përmes platformes online.
6. KZAQ është përgjegjës për të zbatuar dinamiken zgjedhore të miratuar nga KQZ/UHZ në nivel të veprimeve zgjedhore në Administratën Qendrore.

7. KZAQ zgjidhet me rastin e shpalljes se zgjedhjeve të përgjithshme dhe ka mandat katër (4) vjecar të funksionimit.

Neni 22

Data e zgjedhjeve të përgjithshme

1. Këshilli Drejtues shpallë datën e zgjedhjeve të përgjithshme në UHZ dhe në të njëjtën mbledhje zgjedh edhe anëtarët e KQZ/UHZ, sipas dispozitave të kësaj rregulloreje. Zgjedhjet zhvillohen sipas dinamikës së përcaktuar nga KQZ/UHZ.
2. Në ditën e zgjedhjeve, vendvotimet duhet hapur nga ora 08:00 deri në ora 16:00.
3. Në rastet kur votuesit e përcaktuar të votojnë në atë vendvotim, kanë përfunduar votimin para orës 16, KZF-ja mund të mbyll atë vendvotim, para përfundimit të orarit të përcaktuar në paragrafin 2 të këtij neni.
4. Komisioni Qendror Zgjedhor në bashkërendim me KZF dhe KZAQ, duhet të shpallin lokacionin e vendvotimeve.

Neni 23

Mënyra e votimit

1. Votuesit me të drejtë vote duhet që personalisht të hedhin votën në kutinë e votimit, në vendvotimet përkatëse.
2. Asnjë votues nuk ka të drejtë të votojë në më shumë se një vendvotim.

Neni 24

Mbikëqyrja e procesit zgjedhor

1. Zgjedhjet duhet të mbahen nga komisionet zgjedhore të Fakulteteve dhe komisioni zgjedhor i Administrates Qendrore, nën mbikëqyrjen e KQZ/UHZ.
2. Zgjedhjet mund të monitorohen nga institucione, organizata dhe palë tjera të interesit, në pajtim me Statutin e UHZ-së dhe legjislacionin relevant në fuqi.

Neni 25

Procedurat e votimit dhe fletëvotimet

1. Gjatë kohës së votimit, së paku dy anëtarë të KZF respektivisht të KZAQ, duhet të jenë të pranishëm gjatë gjithë kohës për të siguruar mbarëvajtje të rregullt të procedurave zgjedhore.
2. KZF dhe KZAQ duhet të ndërmarrë masa procedurale për mbarëvajtjen e zgjedhjeve, si në vijim:
 - 2.1. Krijimi i një ambienti të sigurt për votim dhe ruajtje të fshehtësisë së votimit;
 - 2.2. Hapja dhe mbyllja e vendvotimeve në kohën e caktuar dhe mbajtja e vendvotimeve hapur gjatë periudhës së caktuar të zgjedhjeve;
 - 2.3. Ofrimi i materialeve të nevojshme për votime;
 - 2.4. Pranimin e materialeve zgjedhore nga KQZ;
 - 2.5. Shënimi i procedurave të votimit në protokollin e komisionit zgjedhor;

- 2.6. Vulosja e fletëvotimeve;
- 2.7. Shënimi i numrit të fletëvotimeve dhe numërimi i votave;
- 2.8. Shënimi i rezultateve të zgjedhjeve.
3. KQZ/UHZ do të mbikeqyre zbatimin e kompetencave nga ana e KZF dhe KZAQ.

Neni 26

Rrjedha e procedurës zgjedhore dhe të votimit

1. Procedura zgjedhore zhvillohet sipas ecurisë si në vijim:
 - 1.1. Komisioni i zgjedhjeve kërkon nga votuesi të identifikohet me dokument të identifikimit (letërnjoftim, pasaportë, patentë shoferi);
 - 1.2. Komisioni i zgjedhjeve kërkon nga votuesi që të identifikohet me një nga kategoritë e personelit;
 - 1.3. Komisioni i zgjedhjeve e gjen votuesin në listën e votuesve;
 - 1.4. Komisioni zgjedhor kërkon nga votuesi të nënshkruhet në listën e votuesve;
 - 1.5. Komisioni zgjedhor i jep votuesit fletëvotimet e duhura të vulosur;
 - 1.6. Votuesi voton në kabinën e votimit;
 - 1.7. Komisioni zgjedhor zëvendëson një fletëvotim sipas kërkesës nëse votuesi e ka dëmtuar atë dhe për këtë mbanë shënim zyrtarë;
 - 1.8. Votuesi e hedhë fletëvotimin në kutinë e votimit;
 - 1.9. Votuesi del nga vendvotimi menjëherë pas votimit;
 - 1.10. Komisioni zgjedhor shënon në protokoll çdo cenim të këtyre procedurave.

Neni 27

Fletëvotimi dhe vlefshmëria

1. Secili fletëvotim duhet të përmbajë emrat e të gjithë kandidatëve të cilët janë regjistruar për mandate të caktuara. Kandidatët radhiten në fletëvotim sipas alfabetit me emër dhe mbiemër.
2. Secili votues ka të drejtë të votojë në fletëvotim aq kandidatë sa edhe ka mandate në konkurrim në zgjedhjet e caktuara. Një përshkrim i përshtatshëm përkitazi me mënyrën e votimit duhet të jepet në fillim të fletëvotimit.
3. Fletëvotimet janë të vlefshme kur maksimumi i kandidatëve të paracaktuar ose më pak janë votuar.
4. Fletëvotimet nuk janë të vlefshme kur votohen më shumë kandidatë sesa maksimumi i përcaktuar, siç ceket në fletëvotim **ose** kur nuk votohet asnjë kandidatë ose në raste të tjera të prishjes me qëllim të fletëvotimit, sipas standardëve dhe praktikave të aplikuara nga KQZ e Republikës së Kosovës.

Neni 28

Rezultatet e zgjedhjeve dhe hedhja e shortit

1. KQZ/UHZ është i obliguar të shpallë rezultatet zyrtare të zgjedhjeve brenda 24 orëve pas mbylljes së vendvotimeve.

2. Në rastet kur dy ose më shumë kandidatë kanë marrë numrin e njëjtë të votave, atëherë duhet të organizohet hedhja e shortit nga ana e KQZ/UHZ, që do të vendos për ndarjen përfundimtare të mandateve. Ky parim vlen për të gjitha rastet që kanë vota të barabarta në procesin e votimit, sipas kësaj rregulloreje, përveç në rastin e zgjedhjes së Dekanit.
3. Shorti duhet të organizohet brenda 48 orëve pas shpalljes së rezultateve të zgjedhjeve në prani të kandidatëve. Mos prezenca e kandidatit, pas ftesës në mënyrë të rregullt dhe të sigurt nënkupton heqje dorë nga mandati.

Neni 29

Periudha e ankesave pas shpalljes së rezultateve

1. Pala e pakënaqur me rezultatin e shpallur të zgjedhjeve, ka të drejtë ankesë brenda 2 dite pune.
2. Pas kalimit të periudhës kohore të përcaktuar në paragrafin 1 të këtij neni, të gjitha ankesat e dorëzuara me shkrim në lidhje me procedurat e zgjedhjeve, rezultatet e votimeve dhe mandatet e fituara do të refuzohen si të pas afatshme.
3. KQZ/UHZ vendosë për të gjitha ankesat brenda periudhës prej dy ditëve të punës pas mbylljes së afatit për pranimin e ankesave.
4. Pas përfundimit të periudhës së përcaktuar në paragrafin 1 dhe 3 të këtij neni, Komisioni Qendror Zgjedhor duhet të shpallë rezultatet përfundimtare të zgjedhjeve.

Neni 30

Përfundimi i mandateve

1. Mandati i dekanit, anëtarit të Senatit dhe anëtarëve të Këshillit të Fakultetit përfundon me arritjen e moshës së pensionimit, me rastin e dënimit me vendim të formës së prerë nga ana e gjykatës, si dhe rasteve tjera të përcaktuara në Statutin e UHZ dhe këteërregullore.
2. Në rast të përfundimit të parakohshëm të mandatit të dekanit, organizohen zgjedhjet e reja për dekan sipas procedurës së përcaktuar në këtë rregullore. Nëse përfundimi i mandatit të dekanit, sipas kushteve të përcaktuara në Statut, ndodh gjashtë muaj para përfundimit të mandatit të tij/saj emërimi i UD së dekanit bëhet nga ana e rektorit.
3. Mandatet zëvendësohen sipas përcaktimit në këtë rregullore.
4. Procedura e zëvendësimit të mandateve verifikohet nga ana e KQZ/UHZ.

DISPOZITAT PËRFUNDIMTARE

Neni 31

Vlefshmëria dhe zbatimi

1. Në rast konflikti të ndonjë dispozite të kësaj rregulloreje vlejnë dispozitat e Statutit.

2. Për të gjitha çështjet lidhur me vendimet apo procedurat e kontestuara në lidhje me këtë Rregullore, vendos KQZ/UHZ.
3. KQZ-UHZ/KZF/KZAQ, janë përgjegjës për zbatimin e kësaj Rregulloreje.
4. Interpretimin autentik të kësaj rregulloreje e bën KQZ/UHZ.

Neni 32
Shfuqizimi


Me hyrjen në fuqi të kësaj rregulloreje shfuqizohet Rregullorja nr.2012/23 për rregullat dhe procedurat për zgjedhjet e përgjithshme të personelit akademik dhe jo akademik.

Neni 33
Hyrja në fuqi

Kjo rregullore hyn në fuqi ditën e miratimit nga Këshilli Drejtues i Universitetit "Haxhi Zeka" Pejë.

Prof. Ass. Dr. Emine Abdyl
Kryesuese e Këshillit Drejtues

Emine Abdyl



SHTOJCA Nr. I. - FORMULARI PER APLIKIM

Komisioni Qendror Zgjedhor i zgjedhjeve te pergjithshme te UHZ-se, viti _____

Formular aplikimi per zgjedhjet e pergjithshme _____

1. T'i dorezohet Komisionit Zgjedhor te Fakultetit, jo me vone se deri me __/__/__, në
oren 15:30 (ne zyren e sekretarit te fakultetit ose permes postes zyrtare elektronike).

1. T'i dorezohet Komisionit Zgjedhor te Administrates Qendrore, jo me vone se deri me
__/__/__, në oren 15:30 (ne zyren e kryesuesit te KZAQ-se ose permes postes zyrtare
elektronike).

Regjistrohem si kandidat per (zgjidhni opsionin e duhur duke shenuar katrorin me "x"):

Anetar i keshillit te fakultetit nga radhet e profesoreve

Anetar i keshillit te fakultetit nga radhet e asistenteve

Anetar i Senatit nga personeli akademik

Anetar keshillit te fakultetit nga personeli joakademik

Anetar i Senatit nga personeli joakademik (nga fakulteti)

Anetar i Senatit nga personeli joakademik (nga AQ)

Fakulteti:

Emri dhe mbiemri:

Data e lindjes:

Titulli akademik²:

Pozita³:

Departamenti:

Data: _____

Nenshkrimi: _____

² Vetem per personelin akademik;

³ Vetem per personelin jo akademik

SHTOJCA NR. 2 - FORMULARI PER ANKESA

Komisioni Qendror Zgjedhor i zgjedhjeve te pergjithshme te UHZ, Viti

FOMULARI 1 ANKESES

(t'i dergohet Komisionit Qendror te Zgjedhjeve)

PARASHTRUESI 1 ANKESES:

Emri dhe mbiemri:

Fakulteti/Departamenti:

KRYESI/T I/E SUPOZUAR I/TE SHKELJES:

Emri dhe mbiemri:

Fakulteti/Departamenti:

SHKELJA E SUPOZUAR

Te pershkruhet shkelja e supozuar ne hollesi (vendi, data dhe koha kur ka ndodhur shkelja e supozuar). Nese eshte e nevojshme, mund te bashkangjiten flete shtese.

--

Data: _____

Nenshkrimi: _____

Per cdo shkelje te supozuar kerkohet nga nje formular i vecant